

王文公文集

十四

一

二

三

四

五

六

王文公文集卷第七十八

挽辭

仁宗皇帝挽辭四首

英宗皇帝挽辭二首

神宗皇帝挽辭二首

太皇太后挽辭二首

永昭陵

吳正肅公挽辭三首

賈魏公挽辭二首

韓忠獻挽辭二首

晏元獻挽辭三首

吳相公挽辭

孫威敏公挽辭

崇禧馬給事挽辭二

陳動之祕丞挽辭二

尚書工部鄭公挽辭

譚虞部挽辭

蘇才翁挽辭

王逢原挽辭

王子直挽辭

馬玘大夫挽辭

王中甫挽辭

葛與祖挽辭

孫適挽辭

處士葛君挽辭

李通叔哀辭

追傷陸修撰三首

泰興令周孝先哀辭附

悼惠休

永壽縣太君挽辭二首

淵師示寂

弔王致先生

哭慈照大師

仁宗皇帝挽辭四首

去序三朝聖行崩萬國天憂勤無曠古治洽
最長年仁育齊高厚哀思罄幅貞欲知千載

美道德冠遺編

二

馮几微言絕群臣涕泗揮
哀號三級陞縞素
九重圍天上僊遊遠宮中
御座非最悲帷幄
侍不復未明衣

三

厭代人閒世收神天上游
遽然虛玉座不復
望珠旒待日移巾幘
饗人改膳羞尋常飛白
几寂寞暗塵浮

四

同軌群方至因山十月催永違天日表空有
肺肝摧帳殿流蘓卷鈴歌薤露哀宮中垂曉
勅西去不更回

英宗皇帝挽辭二首

御氣方尊極乘雲已沈寥衣冠萬國會陵寢
百神朝夏鼎傳歸啓虞羹想見堯誰當授椽
筆論德在瓊瑤

二

玉冊上鴻名猶殘警蹕聲忽辭千歲祝虛卜
五年征羽衛悲哀送山陵指顧成謳歌歸聖

子世孝在持盈

神宗皇帝挽辭二首

將聖由天縱成能與鬼謀聰明初四達雋乂
盡旁求一變前無古三登歲有秋謳歌歸子
啓欽念禹功修

二

城闕宮車轉山林隧路歸蒼梧雲未遠姑射
露先晞玉暗蛟龍蟄金寒鴈鶩飛老臣他日
淚湖海想遺衣

太皇太后挽辭二首

國賴姜任盛門歸馬鄧高關睢求窈窕卷耳
念勤勞聖淑才難擬休明運繼遭岡原今戲
卜維宸正攀號

二

塗山女德茂京室母才難具美多前志餘光
永後觀遺衣遷館御祖載出宮葢終始神孫
孝長留萬國歡

永昭陵

神闕淡朝暉蒼蒼露未晞龍車不可望投老
涕沾衣

吳正肅公挽辭三首

昔繼吳公治今從子產遊里門無舊客鄉國
有新丘謀讓禪謀遠文歸賈誼優此時辜怨
寵西望涕空流

二

從容邊塞議抗疏廟堂爭曲突非無驗方穿
有不行朝廷終倚賴賻祔極哀榮豈愧公孫
相平生慕董生

三

應世文章手宜民政事才朝多側目忌士有

拊心哀書蠹平生簡香寒後夜灰悠悠國西路空得葬車回

賈魏公挽辭二首

功名烜赫在三朝經術從容輔漢條儒服早
紆丞相紱戎冠再插侍中貂開倉六塔流民
復出甲甘陵叛黨銷東第祗今空畫像當時
於此識風標

二

銘旌蕭颯九秋風薤露悲歌落月中華屋幾
人思謝傳佳城今日閉滕公名垂竹帛書勳

在神寄丹青審象同天上貂蟬曾夢賜歸魂
應侍紫陽宮

韓忠獻公挽辭二首

心期自與衆人殊骨相知非賤丈夫獨幹斗
杓環帝座親扶日轂上天衢鋤稊萬里山無
盜袞繡三朝國有儒爽氣忽隨秋露盡謾憑
陳迹在龜趺

二

兩朝身與國安危典策哀榮此一時木稼曾
聞達官怕山頽果見哲人萎英姿爽氣歸圖

畫茂德元勳在鼎彝幕府少年今白髮傷心
無路送靈輻

晏元獻挽辭三首

文章晉康樂經術漢公孫舊秩疑丞貴前功
保傳尊傳呼猶在耳會哭已填門蕭瑟城南
路鳴笳上九原

二

終賈年方妙蕭曹地已親優游太平日密勿
老成人抗論辭多祕賡歌迹已陳功名千載
下不負漢廷臣

感會具竒遇飛揚獨妙齡
他年西餞日此夜上騎
星宿惠留藩屏餘忠在
禁廷音容無處所
髣髴寄丹青

故吳相公挽辭

丙魏雖遭漢道昌
豈如公出值吳唐
秀鍾舊國山川氣
榮附中天日月光
更化事功參虎變
贊元時序得金穰
傷心鼓吹城南陌
回首新阡栢一行

孫威敏公挽辭

功名一世事興廢豈人謀重為蒼生起終隨
逝水流淒涼歸部曲零落掩山丘許國言猶
在茲諛可使著

崇禧給事同年馬兄挽詞二首

慶曆公偕起元豐我獨傷兩楹終昔夢五鼎
繼前喪薰歇曾攀桂甘留所憩棠素嵐知不
墜能世有諸郎

二

藏室亡三篋得之公最多露晞當晚景川逝
作前波惠寄輿人誦悲傳挽者歌竹西携手

虬瀆洒邈山河

陳動之祕丞挽辭二首

年高漢賈誼官過楚荀卿望古君無憾論今
我未平有風吹盡翳無日照佳城空復文章
在流傳世上名

人閒三十六追逐孔鸞飛似欲來為瑞如何
去不歸琴樽已寂寞筆墨尚光輝空復平生
友西華豈易依

贈尚書工部侍郎鄭公挽辭

地蟠江漢久知靈通德門中見老成南去伏
波推將略北來光祿擅詩名密章贈祿連三
組畫翣喪車載一旌陰德故應多後福可能
生子但升卿

致仕虞部曲江譚君挽辭

同時獻賦久無人握手悲歡迹已陳它日白
衣霄漢志暮年朱紱水雲身虛容劔几今長
夜小隱山林祇舊春豈惜埋辭追往事齒衰
才盡獨傷神

馬玘大夫挽辭

冠蓋青門道知君自少時從容他日喜奄忽
暮年悲江月明丹旄湖風冷總帷音容雖可
想材力竟何施

蘇才翁挽辭

空餘一丹旄無復兩朱轡寂寞蒜山渡陂陀
京口原音容歸繪畫才業付兒孫尚有故人
渡滄江相與翻

王中甫學士挽辭

同學金陵最少年奏書曾用牘三千盛名非
復居人後壯歲如何棄我先種橘園林無舊

業採蘋洲渚有新篇
蒜山東路春風綠
埋沒誰知太守阡

王逢原挽辭

蒿里競何在死生從此分
謾傳仙掌籍誰見
鬼修文蔡琰能傳業
侯芭為起墳傷心北風
路吹淚濕江雲

葛興祖挽辭

憶隨諸彦附青雲
場屋聲名看出群
孫寶暮年猶主簿
上商今日更修文
山川凜凜平生氣
草木蕭蕭數尺墳
欲寫此哀終不盡
但令

千載少知君

王子直挽辭

多才自合至公卿豈料青衫困一生太史有
書能叙事子雲於世不徼名丘墳慘淡箕山
綠門巷蕭條潁水清握手笑言如昨日白頭
東望一傷情

孫適挽辭

喪車上新壟哀挽轉空山名與碑長在魂隨
帛斂還無兒漫黃卷有母亦朱顏俛仰平生
事相看一夢間

處士葛君挽辭

楚人黃歇地晉代葛洪家獨擅山川秀相承
黻冕華猗君有清尚於世不雄夸令子能傳
業流光未可涯

李通叔哀辭

通叔李不疑世爲閩民通叔再從大學進士
試斥不送自京師歸而其親道建溪溪水暴
下反其舟溺死年二十八亡初予旣孤寄金
陵家焉從二兄入學爲諸生常感古人汲汲
於友以相鐫切以入於道德予林性生古人

下學又不能力又不得友以相嚮切以入於
道德予其或者歸爲塗之人而已邪爲此憂
懼旣而遇通叔於諸生閒望其容而色醉然
類君子即而與之言皆君子之言也其容色
在目其言在耳則予放心不求而歸邪氣不
伐而自遁去求其所爲文則一本於古華虛
蕩肆之學蓋未嘗接於其心誠有以開予
而友之憂懼釋然作太阿詩貽之道氣類之
同而合也通叔亦作雙松詩道氣類之同而
期之久也以爲報自予之得通叔然後知聖

人戶庭可策而入也是不惟喻於其言而已
蓋觀其行而得焉者為多其再斥於太學而
歸也予待禮部試留京師別且言曰通叔去
而歸安石也不沒而入於愚也其幾矣明年
或斥而歸或得官皆宜在淮江之南安石也
不可以之閩通叔來若何通叔曰是亦不疑
之言也明年從事淮南將問且召焉則未也
或以死狀赴既慟且疑且幸其不然會有江
南之役遇閩人輒問狀還泊東流尉許程者
閩人也乃知赴者信又知陳安石者亦溺死

安石字伯起亦閩人予嘗問通叔素友獨言
伯起云噫二子豈行殆也其亦命而已矣予
悲通叔窮以夭也其道之不及民也又悲天
之不予相也作哀辭我思古人兮維友之求
燕處日講兮行相為謀相翼以進兮相持以
脩要歸于道兮不入于尤卒聖若賢兮其本
則然我無以是兮甚懼以憂猗嗟吾子兮畜
德挾材傑然自如兮不群庸游考講六藝兮
造窮微深匪富貴慕兮匪賤窮羞曰予既逢
兮朝夕其旁仁義之光兮忠信之隙邪志蕩

夷兮正氣獨完吾子賜我兮於安以疇尚曰
子興兮羽儀干世吾君德澤此兮溥滴固偷
孰神不棐兮隕子于溪子生適然兮欲誰仇
所嗟存者兮志孤道遼子之不就兮一朝而
休死不以所兮誰得子尸誰祔于棺兮誰坎
于丘予欲慟哭兮子豈有聞子不可作兮子
生之愁

追傷河中使君脩撰陸公三首

文采機雲後知名實妙年銀鉤工壯麗金薤
富清研批鳳多新貴凭熊數外遷空令猗氏

監遺愛有良田

二

皖城初得故人詩
歎息龍媒踈壯時
太史滯留終不偶
中郎制作遂無施
二千石祿今何有
四十車書昔謾知
海曲冷雲埋拱木
延州空挂暮年悲

三

前旌一幅粉書銘
行路知君亦涕零
遂失詞人空甫里
謾留悲鶴老華亭
主張壽域無三甲
收拾文章有六丁
歸處僊龕應不遠
新墳

東見海山青

泰興令周孝先哀辭

吁嗟于思兮孝子
父母施於族媼兮亦及朋
友云然兮宜不富
又曷為兮不壽藐藐兮其
子榮榮兮其妻無
廬與田兮哀者其誰吾無
柰何兮哀以吾辭

悼慧休

休公遂不起難料
復難忘玉骨隨薪盡空留
一分香

永壽縣太君周氏挽辭二首

永壽開封邑長沙
返舊瑩金葩冷鈿軸粉字
暗銘旌薤久露難
濕蘭餘風尚清慶鍾知有
在令子令升卿

二

引金閨籍身開石窳封靈輶悲吉路象服
佩虛容楚挽雖多相萊衣不更縫誰知逝川
底劍自喜相從

淵師示寂

寄託荒山鬼與隣一生黃卷不離身百年薪
盡隨緣去莫學緇郎更悞人

弔王先生致

處士生涯水一瓢行年七十尚蕭條老妻稻
下收遺秉稚子松間拾墮葉雖有聲名高後
世且無饘粥永今朝窮魂散漫知何處甬水
東西不可招

哭慈照大師

投老唯公最故人相尋長恨隔城闌百年俯
仰隨薪盡畫手空傳淨戒身

王文公文集卷第七十八

王文公文集卷之十一

臨銘旌建久靈輝濕蘭陰風

叫斷蓬蓋盡手空軒彩旌

對笑郵公最姑入昧尋是別斷姓圍百

哭慈烈天補

東西不日

世且無靈

不此費東

與士主

王

王文公文集卷第七十九

集句詩

懷元度三首

示元度

寄元度

示德逢

示蔡天啓

示道光及安大師

送呂望之

送吳顯道五首

送張明甫

送劉貢甫謫官衡陽

送顯道南歸

江口送道原

賁然來思送程公闢

寄昌叔

贈寶覺并序

贈張軒民替善

贈蔡肇秘校

贈吳顯道

招葉致遠

戲贈僧湛源二

明妃曲

金陵懷古

即事三首

不詁自明

春雪

春山

閑行

花下

移桃花

蝶

化城閣

金山寺

回紋

虐吳美人

懷元度三首

秋水纔深八九尺扁舟陟補得疾如飛可憐物

色阻携手正是歸時君不白歸歸

二

舍南舍北皆春水恰似蒲萄新撥醅不見秘
書心若失百年衰病獨登古堂

三

自君之出矣何其掛懷抱隱坐屢窮辰山林
跡如掃數枝石榴發豈無一時好不可持寄
君思君令人老

示元度

思君携手安能得上盡重城更上樓時獨看
雲淚橫臆長安不見使人愁

寄元度

三山半落青天外遠比凌歊宋武臺人世難
逢開口笑生前相遇且銜杯

示德逢

我行其野春日遲遲有苑者柳在河之湄有
鳴倉庚豈曰不時求其友聲頡之頑之嗟我
懷人何日忘之六日不詹方何爲其期逝不

至我心西悲跂子望之其室則邇一者之來
我心則喜我之懷矣并彼虛矣愛而不見云
何心矣

示蔡天啓

蔡子勇成癖能騎生馬駒霜刀瑩碧蹄價重
百璉琛脫身事幽討禪榻亦晏如忽然變軒
昂慎勿學哥舒

示道光及安大師

春日載陽陟彼高岡樂彼之園淮水泱泱維
筍及蒲旣生旣育拚彼飛鳥集于灌木嚶其

鳴矣亂我心曲有懷二人在彼空谷既往既
來獨寐寐宿陟則在巘或降于阿瞻望弗及
傷如之何

望之將行

江涵秋景鴈初飛沙尾帆檣發漸稀惆悵無
因見范蠡夕陽長送釣船歸

送吳顯道五首

五湖大浪如銀山問君西遊何當還以手拊
膺坐長歎空手無金行路難丈夫志有在吾
徒且加餐屏風九疊雲錦帳千峯如連環上

有橫河斷海之浮雲可望不可攀
飛空結樓臺影動杳裊沖融間
沛然乘天遊下視塵土
悲人寰泊舟潯陽郭去去翔虛廓
君今壬午未成老翁衰老不復如今樂

二

滕王高閣臨江渚東邊日出西邊雨
十五年
前此會同天際張帷列樽俎
君今此去歸何時我今停盃一問之
春風兩岸水楊柳顏色青青今在否
偶向東湖更向東杏花兩株能白紅
落拍舊遊應記得插花走馬明月中流

光荏苒瞻西海明年花開復誰在杏花楊柳
年年好南去北來人自老少壯幾時奈老何
與君把箸擊盤歌歌罷仰天歎六龍忽蹉跎
眼中了了見鄉國自是不歸歸便得欲往城
南望城北此心炯炯君應識

三

臨川樓上柅園中羅幃繡幕圍春風觥船一
棹百分空看朱成碧顏始紅杏花楊柳年年
好南去北來人自老舊事何人與共論惟君
與我同懷抱忽憶舊日鄉頭已白牙齒欲落真

可惜臨江把臂難
再得江水江花豈終極

四

百年衰病獨登臺
知有歸日眉方開
功名富貴何足道
且賦淵明歸去來

五

白玉堂前一樹梅
爲誰零落爲誰開
唯有春風應最惜
一年一度一歸來

送張明甫

觥船一棹百分空
十五年前此會同
南去北來人自老
桃花依舊笑春風

送劉貢甫謫官衡陽

劉郎劉郎莫先起
遇酒當歌且歡喜
舩頭朝轉暮千里
眼中之人吾老矣
九疑連天荒相似
負雪崔嵬插花裏
聞道衡陽鴈
尋常到此迴
行逢三一月
好與鴈同來
鴈來人不來
如何不飲令
心哀莫厭瀟湘少
人處謫官鑄俎
定常開

送吳顯道南歸

君不見蔡澤棲遲世
看醜豪氣英風亦何有
忽然變軒昂
盛事傳不朽
君今幸未成老翁

二十八宿羅心曾何不上書自薦達封侯起
第一日中秋月春風等閑度山中舊宅無人
住園中青桑葉宛宛澗水流過田中路遙知
楊柳是門處萬里蒼蒼煙水暮我欲尋之不
憚遠君又暫來還徑去江亭驛路掛城頭憶
君祇欲苦死留天際張帷列尊俎君歌聲酸
辭且苦人生憔悴生理難使人聽此凋朱顏
勸君更盡一杯酒明日路長山復山

江口送道源

六朝人物草連空今日無端入望中江上晚

來堪盡處參差煙樹五湖東

賁然來思送程公也公來以葦麋
饋我我飲餞之率西水滸故作是

詩

念我獨兮亦莫我顧賁然來思程伯休父我
有言酒爾殽伊脯薄言疇之式歌且舞不留
不處適彼樂土言秣其馬率西水滸有客宿
宿于時語語山有喬松江有渚式遄其歸不
我與作此好歌倡子和汝

寄昌叔

早知身是自拘囚，年少因何有旅愁。
自是不歸歸，使得陸乘籃輦水乘舟。

贈寶覺并序

予始與寶覺相識於京師，因與俱東。後以翰林學士召會宿金山，一昔今復見之。聞化城閣甚壯麗，可登眺，思往遊焉。故賦是詩。

大師京國舊志趣，江湖迥往與惠詢。輩一宿金山頂懷哉，苦留戀王事有朝請。別來能幾時，浮念極含梗。今朝忽相見，眸子清炯炯。夜闌接軟語，令人發深省。化城出天半，遠色有

諸嶺白首對滄洲猶思理煙艇

贈張軒民贊善

潮打空城寂寞迴百年衰病獨登臺誰能得
似張公子有底忙時不肯來

贈蔡肇秘校

身著青衫騎惡馬日馳三百尚嫌遲心源落
落堪為將却是君王未備知

贈吳顯道

朱顏日夜不如故深感杏花相映紅盡日獨
行春色裏醉吟誰肯伴衰翁

招葉致遠

山桃溪杏兩三栽
嫩蘂商量細細開
最是一年春好處
明朝有意抱琴來

戲僧湛源二首

恰有三百青銅錢
憑君為看小行年
坐中亦有江南客
自斷此生休問天

二

可惜昂藏一丈夫
生來不讀半行書
子雲識字終投閣
幸是元無免破除

明妃曲

妾本漢家子早入深宮裏遠嫁單于國憔悴
無復理穹廬為屋氈為墻胡塵暗天道路長
去住彼此無消息明明漢月空相識死生難
有却迴身不忍重看寫舊眞玉顏不是黃金
少愛把丹青錯畫人朝為漢宮妃暮作胡地
妾猶留青塚向黃昏顏色如花命如葉

金陵懷古

六代豪華空處所金陵王氣黯然收煙濃草
遠望不盡物換星移度幾秋畢竟江山誰是
主却因歌舞破除休我來不見當時事上盡

重城更上樓

即事三首

漸老逢春能幾回
柴門今始為君開
莫嫌野外無供給
更向花前把一盃

一樹瓏璵玉刻成
遊蜂多思正經營
攀條弄蕊時回顧
還繞櫻桃樹下行

三姑自題

春風吹園雜花開
青天露坐始此迴
一盃一盃復一盃
笑言溢口何歡怡
古人白骨生莓

苔我獨不飲何為哉幾時得出禁酒國累麴
便築糟丘臺

不詰自明

倉頡造書不詰自明於乎多言祇誤後生

春雪

春雪墮如篩渾家醉不知樵歸說逢虎愁殺
路傍兒

春山

春山春水流曲折方屢渡荒乘不知疲行到
水窮處依然舊童子要子竹西去歸時始覺

遠草蔓已多露

閑行

遮莫隣雞下五更願爲閑客此閑行欲知前
面花多處顛倒青苔落絳英

花下

花下一壺酒定將誰舉杯雪英飛舞近疑是
故人來

移桃花

舍南舍北皆種桃東風一吹數尺高枝柯
萎綿花爛熳美錦千兩敷亭臯晴溝漲春綠周

遭俯視紅影移漁舸山前邂逅武陵客水際
鬢歸秦人逃攀條弄芳畏晚晚已見黍雪盤
中毛仙人愛杏令虎守百年終屬樵蘇手我
衰此果復易朽蟲來食根那得久瑤池紺紐
誰見有更值花時且追酒君能酩酊相隨否

蝶

翅輕於粉薄於繒長被花牽不自勝若信莊
周尚非夢豈能投死爲韓憑

化城閣

曾宮憑風迴兩岸聞鍾聲鑿翠開戶牖

名雲

有高營化城若化出仰攀日月行
俛視大江奔茫茫與天平大江蟠嵌根
回波自成浪却略羅翠屏秀色各異狀
楞伽海中山杳出霄漢上中有不死庭
天龍盡迴向惜哉不得往側坐杳難望
登茲翻百憂意欲鏟疊嶂忽憶年少時
孤嶼坐題詩空懷焉能果唯有故人知

金山寺

招提憑高岡四面斷行旅勝地猶在險
浮梁裊相柱大江當我前颭灩翠綃舞
通流與厨

會甘美勝牛乳扣欄出元龜鼉幽姿可時覩夜
深殿突兀太微凝帝宇壁立兩崖對迢迢曠
雲雨天多剩得月月落聞津鼓夜風一何喧
大舶夾雙艫顛沉在須臾我自檝迎汝始知
象教力但度無所苦憶昨狼狽初祗見石與
土榮華一朝盡土梗空俯僂人事隨轉軸蒼
苙竟誰主咄嗟檀施開繡楹盤萬礎高閣切
星辰新秋照牛女湯休起我病轉上青天去
攝身凌蒼霞同凭朱欄語我歌尔其聆幽慎
得一吐誰言張奭士雄筆映千古

轉軸一作轉瑤

回紋

碧蕪平野曠黃菊晚村深
客倦留甘飲身閑
累苦吟

虞美人

虞美人態濃意遠淑且具
同輦隨君待君側
六宮粉黛無顏色楚歌四面起
形勢返蒼黃
夜聞馬嘶曉無迹蛾眉蕭颯如秋霜
漢家離宮三十六
緩歌慢舞凝絲竹
人間舉眼盡堪
悲獨背蒼崖結茅屋
美人爲黃土草木皆含
愁紅芳紫苔處處有聽曲低昂如有求青天

漫漫覆長路今人犁田昔人墓
虞矣兮虞兮
若何不見玉顏空死處

王文公文集卷第七十九

王文公文集卷第八十

集句歌曲

桂枝香

甘露歌

胡笳十八拍

菩薩蠻

漁家傲二首

雨霖鈴

清平樂

定風波

許衷情五首

南鄉子二首

浪淘沙

望江南歸依三寶讚

桂枝香

登臨送目正故國晚秋天氣初肅千里澄江
似練翠峯如簇歸帆去棹殘陽裏背西風酒
旗斜矗綵舟雲淡星河鷺起畫圖難足

念往昔繁華競逐歎門外樓頭悲恨相續千
古憑高對此謾嗟榮辱六朝舊事隨流水但
寒煙芳草凝綠至今商女時時猶歌後庭貴
曲

甘露歌

折得一枝香在手人間應未有疑是經春雪
未消今日是何朝盡日含毫難比興都無色

可竝萬里晴天何處來真是屑瓊瑰天寒日
暮山谷裏的礫愁成水地上漸多枝上稀唯
有故人知

胡笳十八拍

中郎有女能傳業顏色如花命如葉命如葉
薄將奈何一生抱恨長咨嗟良人執戟明光
裏所慕靈妃媿蕭史空房寂寞施總幃棄我
不待白頭時

自胡之反持干戈翠蕤雲旂相蕩摩流星白
羽腰閒插疊鼓遙翻瀚海波一門骨肉散百

草安得無淚如黃河我生之初尚無爲嗚呼
吾意其蹉跎

身執略兮西入關關山阻脩兮行路難水頭
宿兮草頭坐在野祇教心膽破更韞雕鞍教
走馬玉骨瘦來無一把幾迴拋鞚抱鞍橋往
往鷲墮馬蹄下

漢家公主出和親御厨絡繹送八珍明妃初
嫁與胡兒一生衣服盡隨身眼長看地不稱
意同是天涯淪落人我今一食日還併短衣
數挽不掩脛乃知貧賤別更苦安得康強保

天性

十三學得琵琶成繡幕重重卷畫屏一見郎
來雙眼明勸我酤酒花前傾齊言此夕樂未
央豈知此曲能斷腸如今正南看北斗言語
傳情不如手低眉信手續續彈彈看飛鴻勸
胡酒

青天漫漫覆長路一紙短書無寄處月下長
吟久不歸當時還見鴈南飛彎弓射飛無遠
近青塚路邊南鴈盡兩處音塵從此絕唯看
東西望明月

明明漢月空相識
道路祇今多壅隔
去住彼此無消息
時獨看雲淚橫臆
豺狼喜怒難姑息
自倚紅顏能騎射
千言萬語無人會
謾倚文章真末策

死生難有却回身
不忍重看舊寫真
暮去朝來顏色改
四時天氣揔愁人
東風漫漫吹桃李
盡日獨行春色裏
自經喪亂少睡眠
鶯啼燕語長悄然

柳絮已將春去遠
攀條弄芳畏婉婉
憂患衆兮歡樂鮮
一去可憐終不返
日夕思歸不得

歸山川滿目淚沾衣
華圭苑裏西風起
歎息人間萬事非

寒聲一夜傳刁斗
雲雪埋山蒼兕吼
詩成吟詠轉淒涼
不如獨坐空搔首
漫漫胡天叫不聞
胡人高鼻動成羣
寒盡春生洛陽殿
回首何時復來見
晚來幽獨恐傷神
唯見沙蓬水柳春
破除萬事無過酒
虜酒千盃不醉人
含情欲說更無語
一生長恨奈何許
飢對酪肉兮不能殮
強來前帳臨歌舞

歸來展轉到五更起看北斗天未明素人築
城備胡處擾擾唯有牛羊聲萬里飛蓬映水
過風吹漢地衣裳破欲往城南望城北三步
迴頭五步坐

自斷此生休問天生得胡兒擬棄捐一始扶
牀一始坐抱携撫視皆可憐那知遠使問名
姓引袖拭淚悲且慶悲莫悲於生別離悲在
君家留二兒

掬之育之不羞恥恩情亦各言其子天寒日
暮山谷裏斷腸非關隴頭水兒呼母兮號失

聲依然離別難爲情灑血仰面兮訴蒼天知
我如此兮不如無生
當時愁來歸又恨洛陽宮殿焚燒盡紛紛黎
庶逐黃巾心折此時無一寸慟哭秋原何處
村千家今有百家存爭持酒食來相饋舊事
無人可共論

此身飲罷無歸處心懷百憂復千慮天翻地
覆誰得知魏公垂淚嫁文姬天涯憔悴身托
命於新人念我出腹子使我歎恨勞精神新
人新人聽我語我所思兮在何所母子分離

兮意難任死生不相知兮何處尋

燕山雪花大如席與兒洗面作光澤恍然半夜天地白閨中祇是空相憶點注桃花舒小紅與兒洗面作華容欲問平安無使來桃花依舊笑春風

春風似舊花仍笑人生豈得長年少我與兒兮各一方憔悴看成兩鬢霜如今豈無驪鬘與驂騑安得送我置汝傍胡塵暗天道路長遂令再往之計墮渺茫胡笳本出自胡中此曲哀怨何時終筚一會兮琴一拍此心炯炯

君應識

菩薩蠻

數家茆屋閑臨水
輕衫短帽垂楊裏
今日是何朝
看予度石橋
稍稍新月偃
午醉醒來
晚何物最關情
黃鸝一兩聲

漁家傲二首

燈火已收正月半
山南山北花撩亂
聞說
亭新水漫騎款段
穿雲入島尋幽伴
却拂
僧牀褰素幔
千崑萬壑春風滿
一弄松聲悲
急覺驚夢斷
西看牕日猶嫌短

平岸小橋千嶂抱柔藍一水縈花草茆屋數
間窻窈窕塵不到時時自有春風掃 午枕
覺來聞語鳥歌眠似聽朝雞早忽憶故人今
揔老貪夢好茫然忘了邯鄲道

雨霖鈴

孜孜矻矻向無明裏強作窠窟浮名浮利何
濟堪留戀處輪迴倉卒幸有明空妙覺可彈
指超出緣底事拋了全潮認一浮漚作瀛渤
本源自性天具佛祇些些妄想中埋沒貪他
眼花陽艷信道本來無物一旦茫然終被閻

羅老子相屈便縱有千種機籌怎免伊唐突

清平樂

雲垂平野掩映竹籬茆舍閒寂幽居實瀟灑
是處綠嬌紅冶丈夫運用堂堂且莫五角
六張若有一卮芳酒逍遙自在無妨

浣溪沙

百畝中庭半是苔門前白道水縈迴愛閑能
有幾人來小院回廊春寂寂山桃溪杏兩
三栽為誰零落為誰開

許衷情五首

和俞秀老鶴詞

常時黃色見眉間
松桂我同攀
每言天上辛
苦不肯餌金丹
憐水靜愛雲閑
便忘還高
歌一曲
崑谷迤邐宛似商山
練巾藜杖白雲間
有興即躋攀
追思往昔如
夢華轂也曾丹
塵自擾性長閑
更無還達
如周召窮似丘軻
祇箇山山
茫然不肯住林間
有處即追攀
將他死語圖
度怎得離金丹
漿水價匹如閑也
須還何
如直下踢倒軍持
羸取瀉山

營巢燕子逞翱翔微志在雕梁碧雲舉翻千
里其奈有鸞皇臨濟處德山行果承當自
時降在一切天魔掃地焚香

又和秀老

莫言普化祇顛狂真解作津梁驀然打箇筋
斗直跳過羲皇臨濟處德山行果承當將
他建立認作心誠也是尋香

南鄉子二首

嗟見世間人但有纖毫即是塵不住舊時無
相兒沉淪祇爲從來認識神作麼有踈親我

自降魔轉法輪不是攝心除妄想求真幻化
空身即法身

又

自古帝王州鬱鬱葱葱佳氣浮四百年來成
一夢堪愁晉代衣冠成古丘繞水恣行遊上
盡層城更上樓往事悠悠君莫問回頭檻外
長江空自流

浪淘沙令

伊呂兩衰翁歷遍窮通一為釣叟一耕傭若
使當時身不遇老了英雄
湯武偶相逢風

虎雲龍興王祇在笑談中直至如今千載後
誰與爭功

望江南歸依三寶讚

歸依衆梵行四威儀願我遍遊諸佛土十方
賢聖不相離永滅世間癡

歸依法法法不思議願我六根常寂靜心如
寶月映琉璃了法更無疑

歸依佛彈指越三祇願我速登無上覺還如
佛坐道場時能智又能悲

三界裏有取總災危普願衆生同我願能於

空有善思惟三寶共住持

王文公文集卷第八十

讀本公集卷第八十
寶聖不厭施來如世間
讀本公集卷第八十
寶聖不厭施來如世間
讀本公集卷第八十
寶聖不厭施來如世間

讀本公集卷第八十
寶聖不厭施來如世間
讀本公集卷第八十
寶聖不厭施來如世間
讀本公集卷第八十
寶聖不厭施來如世間

王文公文集卷第八十一

祭文

祭先聖文

祭先師文

祭程相公琳文

代高若訥作

祭范潁州仲淹文

祭吳侍中沖卿文

祭張左丞若谷文

祭高樞密若訥文

祭馬圯大夫文

祭呂侍讀文

祭馬龍圖文

祭盛侍郎文

祭杜待制文

祭丁元珍學士文

祭刁景純學士文

祭韓欽聖學士文

祭張安國檢正文

祭沈文通文

祭先聖文

惟王之道內則妙萬物而外則為王者為緒
餘於一時而鼓舞於萬世學者範圍於覆燾
之中而不足以酬高厚之德今與諸生釋奠
而不敢後者茲學校之儀而興其所以愛禮
之意也

祭先師文

外物不足以動心而樂者可謂知性矣然後
用舍之際始可以語命而三千之徒聖人獨
以公預此所以學校有釋菜之事而以公配
享焉

祭程相公琳文

為高若訥作

嗚呼公在京師為天子毗發論彊彊不苟其
為公於四方為鎮為屏推良抑姦兩適寬猛
自伯休父有稱于周及公千年追配前休時
文而文時武而武顧我無狀辱公等侔庶見

吉召乃聞凶歸馳哀一觴終古之違

祭范穎州仲淹文

嗚呼我公一世之師由初迄終名節無疵明
肅之盛身危志殖瑤華失位又隨以斥治功
亟聞尹帝之都閉姦興良稚子歌呼赫赫之
家萬首俯趨獨繩其私以走江湖士爭留公
蹈旣不慄有危其辭謁與俱出風俗之衰駭
正怡邪蹇蹇我初人以疑嗟力行不回慕者
興起儒先酋酋以節相侈公之在貶愈勇為
忠稽前引古誼不營躬外更三州施有餘澤

如醜河江以灌尋尺宿賊自解不以刑加猾
盜涵仁終老無邪講藝弦歌慕來千里溝川
障澤田桑有喜戎孽獒狂敢齧我疆鑄印刻
符公屏一方取將於伍後常名顯收士至佐
維邦之彥聲之所加虜不敢瀕以其餘威走
敵完鄰昔也始至瘡痍滿道藥之養之內外
完好旣其無爲飲酒笑歌百城晏眠吏士委
蛇上嘉日赴以副樞密稽首辭讓至于六七
遂參宰相整我典常扶賢贊傑亂冗除荒官
更於朝士變於鄉百治具脩偷墮勉強彼闕

不遂歸厠帝側卒屏于外身屯道塞謂宜者
老尚有以為神乎孰忍使至於斯蓋公之才
猶不盡試肆其經綸功孰與計自公之貴廐
庫逾空夷其色辭傲訐以容化于婦妾不靡
珠玉翼翼公子弊絺惡粟閔死憐窮惟是之
奢孤女以嫁男成厥家孰堙于深孰缺乎厚
其傳甚詳以法永久碩人今亡邦國之憂矧
鄙不肖辱公知尤承凶萬里不往而留涕哭
馳辭以贊醪羞

祭吳冲鄉相公文

嗚呼公命在酉長我一時公先我茁我後公
萎中間仕官有合有離後我所踐公輒仍之
出則交轡處則連榻坐肘則並行肩則差豈
願敢及天實我貽公之停蓄及所設施有誥
有誄亦有銘詩又將有史傳所不疑我旣憊
眊何辭能爲婚姻之故唯以告悲

祭張左丞若谷文

嗚呼公作昇州先君實佐公爲其子請昏子
我先君不幸公覲京師訃逮公門公哭殊悲
弔問賻祭使來以時乃今公薨獨以窆故則

無以禘祭又不時獨悲以慕惟公之生明惠
裕和善恕於人恩實我多雖祭不時其吐之
耶

祭高樞密若訥文

越初生民降訖于茲廢興亂治成敗安危猷
為之君辯論之師章書傳記箴賦銘詩乖離
詭駁有萬其辭公於其閒靡所不知江含海
畜其富無訾孰窮其源孰究其涯作時宗工
出長群司洋洋厥聞可以敷施謂且永年左
右諏咨曷云其凶弗毫弗期凡我常僚曷已

其思爲此薄物以將我悲

祭馬玘大夫文

嗚呼惟君才敏強明爲時能吏剽劇撥煩易
於屈指近畏遠懷有譽無訾使于嶺南俗易
夷鄙江東內遷厥勢方起孰云一朝壽止如
此摠懷以辭薦此薄菲

祭呂侍讀文

嗚呼伯夷相唐尚父賓周受氏胙國重光奕
休于辰之逢發我文靖公實冢嗣續前之慶
御書翰林典禮太常是爲世臣焜耀家邦方

騫方奮厥隕誰使震驚咨嗟上自天子凡居
此列惟公弟僚於公之殞祇薦醪羞

祭馬龍圖文

嗚呼余託業於進士熟君名於垂髫旣備友
於淮南習爲縣之風謠去幕府之西游依國
門之嶢嶢始逢君之執勒屢顧我而回鑣遠
揚子之旣見方皖城之窮漂遂有通家之好
終無挾長之驕君言事以北出予罷友而南
僑一江亭之邂逅話宿昔以終宵以牧友之
在列當御史之還朝又追隨於暇日心所好而

忘遙拒乖隔之幾何忽水淺而風飄畫半塗
於萬里棄餘日於一朝維知君之日久信智
邁而才超考前人之治亂講後世之昏昭釋
衆言之抵牾排異學之傾搖衆相紛以異緒
君獨悟而同條嗟墁人之已矣斤欲奮而誰
要望丹舟而隕涕具樽酒以來澆想明靈之
猶在奠薄禮之能招

祭盛侍郎文

安石聞之行義弗高慙者則已行義既高位
與年下憾者則人在已無慙在人無憾有若

公然其又奚言惟昔先人捐我諸孤實在公
藩公泣然哀祔死賻存託殯得宮寓處得廬
一出公恩公或我臨不有其尊我獎我矜均
其子孫戴德莫疇誰謂我人去公三年問不
再行豈曰怠忘賤不敢煩補官揚州公得謝
歸曾幾何時計者來門哭泣作書以弔後昆
欲醮棺前縻不可奔會有吏役盡室而南戢
恨含慙轉移寒暄乃今來歸公喪且暮纔命
使人薄進蘋蘩嗟嗟公恩死其敢諼

祭杜待制文

士耻無材耻不脩身身脩而材有不及民凡
世可願於公皆有孰窘其年不使難老貴者
善防其有孰窺公心豁豁不置牆帷有挾易
驕不難拒善公義所在服之無賤推以時施
宜以每成又沉於公強果以行物貴於時常
以其少悲矣予思我知其父鍾山北蟠江落
而東完厚密牢萬世之宮其歸孰知愚與在
此酹公以文以配銘史

祭丁元珍學士文

我初閉門屈首書詩一出涉世茫無所知援

挈覆護免於阽危雖培浸灌使有華滋微吾
元珍我始弗殖如何棄我隕命一昔以忠出
恕以信行仁至於白首困厄窮屯又從躋之
使以躋死豈伊人尤天實爲此有槃彼石可
誌於丘雖不屬我我其徂求請著君德銘之
九幽以馳我哀不在醜羞

祭刁景純學士文

嗚呼刁公不伎不求坦然立行之平裕然與
人之周旣貴賤以同觀亦始終之相侔惟其
動必依於仁故其壽若此之脩望音容而已

遠欲親弔以無由慨臨風而出涕辭以侑乎
醪羞

祭韓欽聖學士文

嗟爲君兮邦之特目揚秀兮顏髮澤紛百家
兮並涉超獨懷兮道德博蕩蕩兮無畛寬恂
恂兮莫逆出當官兮發論使權彊兮累息年
何尤兮止此祿不多兮誰嗇具壺觴兮酌哭
攀喪車兮啓夕豈獨愁兮吾僚隱多聞兮諒
直顧笑語兮已矣冀來嘉兮菟臯

祭張安國檢正文

嗚呼善之不必福其已久矣豈今於君始悼
歎其如此自君喪除知必顧子恠久不至豈
其病歟今也君弟哭而來赴天不姑釋一士
以爲予助何生之艱而死之遽君始從我與
吾兒游言動視聽正而不偷樂於飢寒惟道
之謀旣掾司法議爭讞失中書大理再爲君
屈遂升宰屬能撓彊屈辯正獄訟又常精出
豈君刑名爲獨窮深直諒明清靡所不任人
忮莫知乃惻我心君仁至矣勇施而忘己君
孝至矣孺慕以至死能人所難可謂君子嗚

呼吾兒逝矣君又隨之我留在世其與幾時
酒食之哀侑以言辭

祭沈文通文

嗚呼文通一世之英耀矣其光韡矣其榮有
所不爲爲無不果有所不學學無不成故治
行簡於人主之心名聲溢於時士之口謂且
復起謀謨左右何與之以如此之才而不副
之以須臾之壽悲傷歎息舉世皆然豈特故
人爲之流漣馳哀一酌以訣終天

王文公文集卷第八十一

人爲之流歟與東一酒以爲然天久不至也
 之以既使之言悲則熾息舉出皆然豈非姑
 野政若難或去向與之以與地之十而不備
 百簡然入主之心各戰益然神士之口隨也
 概不爲然無不果有概不舉也無不效姑或
 即如天也一也之英蹠矣其失韓矣其樂亦
 豈君刑也谷也天也文也明也清也神也
 國會之文前以言攝仁至矣或補而志之者
 四吾良也矣哉天與之海留并出其與幾部

王文公文集卷第八十二

祭文

祭蘇虞部文

祭杜慶州杞文

祭曾博士文

祭李審言文

祭周幾道文

祭沈中舍文

祭束向元道文

群牧司祭文

祭陳浚宣叔文

祭鮑君永泰王文二

祭王回深父文

祭刁博士繹文

祭虞靖之文

祭北山元長老文

祭呂望之母郡太文

祭秦國夫人文 代高若訥作

祭蘇虞部文

君慎足以保其身和足以諧於世嗟乎不淑
而不永年受命俱東纔三年耳孰去今者君
以喪歸交游之情哀痛何極聊陳薄奠以告
長違

祭杜慶州杞文

嗚呼慶州一世之英濯濯其靈粲粲其明材
能稱於天下言行信於朝廷孰多其子而不
足以齡不肖之身始佐公揚公后來東有賜

於明昔飲同堂今奠於庭酒肴則薄豐者維
誠再拜事公敢不如生

祭曾博士文

嗚呼公以罪廢實以不幸卒困以天亦惟其
命命與才違人實知之名之不幸知者為誰
公之問里宗親黨友知公之名於實無有嗚
呼公初公志如何孰去不諧而厄孔多地大
天穹有時而毀星日脫敗山傾谷圯人居其
間萬物一偏固有窮通世數之然至其壽夭
尚何憂喜要之百年一蜮以死方其生時窘

若囚拘其死以歸混合空虛以生易死死者
不祈唯其不見生者之悲公今有子能隆公
後惟彼生者可無甚悼嗟理則然其情難忘
哭泣馳辭徃侑奠觴

祭李審言文

嗚呼噫公之才豈獨我知公數困厄豈人能
為所畸乎人豈能無疵所侔乎天我乃知之
交不就利高明所忌泣不失宜孤寡所思凡
今君子疲實在茲公亦知我如我公知厥交
淡如唯正無私哀今亡矣侑醑以辭

祭周幾道文

初我見君皆童而憤意氣豪悍崩山決澤弱
冠相視隱憂困窮貌則侔年心頽如翁俛仰
悲歡超然一世皓髮黧面分當先弊孰知君
子赴我稱孤發封涕洟舉屋驚呼行與世乖
惟君繾綣弔禍問疾書猶在眼序銘於石以
報德音設辭雖褊義不愧心君實愛我祭其
知歆

祭沈中舍文

惟公之生于朝縉紳夫人嬪之以作封君皆

以壽終而世有人昔我先子公倫之舊施于
不肖遂為世友不腆之文既藏于丘惟是區
區以贊醪羞

祭東向元道文

嗚呼東君其信然耶奚仇友朋奚然室家堂
堂去之我始疑嗟惟昔見君田子之自我欲
疾走哭諸田氏吾縻不赴田疾不知今乃獨
哭誰同我悲始君求仕士莫敢匹洪洪其聲
碩碩其實霜落之林豪鷹雉鷗萬鳥避逃直
摩蒼天躡焉僅仕后愈以困洗藏銷塞動輒

失分如羈俊馬以駕柴車側身墮首與蹇同
芻命又不祥不能中壽百不一出孰知其有
能知君者世孰予多學則同游仕則同科出
作揚官君實其鄉傾心倒肝迹斤形忘君於
壽食我飲鄞水豈無此朋念不去彼旣來自
東乃臨君喪閔閔陰宮梗野榛荒東門之行
不幾日月孰去於今萬世之別嗟屯怨窮閔
命不長世人皆然君子則亡予其何言君尚
有知具此酒食以陳我悲

群牧司祭文

鳴呼惟公學問文章丘山之鬱鬱湖海之茫弼
我密命作刑四方寅恭淑慎天子所藏駟駟
之良兵賴以盛公用勤告遂圖厥政某等在
職維公之依孰奪以逝邈乎不歸殞引就行
有翩其旂來陳薄物以告長違

祭陳浚宣叔文

嗟乎宣叔學以為已不溺於俗孤騫介峙孰
以不羸孰忤不強卒躓窮巴乃命不祥怡怡
在宮翼翼在外胡是不福貴姦壽悖我思古
人祿世其初悲君之食不逮於孤古不背死

隆親急故今此營營誰瞻誰助自昔海濱以
心相投俱官於南邂逅綢繆顏合意同去誰
無友諒直之好於君實厚有志不施又困無
財雖痛何為維以告哀

祭鮑君永泰王文二

年月日官某敢告于鮑君之神農之勞神之
所知也歲之四時而於冬為最隙然猶築場
圃治屋廬塗困倉糞田疇未嘗一日而晏然
以休息今茲令又以其暇時屬之使治渠川
比常歲則農之勞蓋有加焉神宜哀怜而有

以相之也治之無幾也而雨雨且止丁壯老
弱相與行水而涸之猶未也而又雨非民獨
病也而令亦夙夜以憂惟神相之以霽令是
役早有卒也夫令之所以憂其職民也惟神
之食於民也爲已久其憂之亦不可在令後
也謹告

又祭鮑君文

年月日敢再告于鮑君之神謁於神之明日
而天地廓然以溫民賴以供役且卒事而復
雨雨淫不止民愁而令恐意者令之治行無

有可媚于神者而神不卒聽之乎令則有罪而民何尤且霜雪風雨之濫淫固其責自神而無與於令也巍然南面饗人之歸事已而利澤不加焉亦神羞也惟神降意以從令之言毋忽令亦能發明神之令德使民世事神不懈而有加焉謹告文

祭王回深甫文

嗟嗟深甫真棄我而先乎孰謂深甫之壯以死而吾可以長年乎雖吾昔日執子之下歸言子之所為實受命于吾母曰如此人乃與

為友吾母知子過於予初終子成德多吾不
如嗚呼天乎既喪吾母又奪吾友雖不即死
吾何能以搏育一慟心摧志朽泣涕為文以
薦公酒嗟嗟深甫子尚知否

祭刁博士繹文

惟君其先黻冕之華君弱而良遂世其家越
天聖初上始即位開延聞人間不容偽若古
堯虞稷契親逢君子其時奮追群龍五兩之
綸三鍾之粟沉才下吏間關楚蜀竭來揚州
輔佐元侯朝其或者明試謨謀最未及論泯

焉之幽龜紫紛如朱丹其車昔之同升泰亦
衆已胡寧若人乃此乎止旻天介壽宜良者
多良者弗壽謂旻天何親髮墮顛子髮猶羈
帷堂一慟誰者無悲令龜得日棺還無咎銘
旌悠悠羽翬南首惟君之舊惟僚及友徘徊
路旁涕落奠觴

祭虞靖之文

剛耿且諒醇明博美敢於爲義我實知子達
我所願窮吾所耻奈何終窮命也天只前年
僕馬來自田里白顛夷馘相見悲喜輸吾肝

嗚呼莫逆其疇衰老邂逅綢繆水念我難繼
庶乎少止翻然為辭遂隔生死寓哀一醉嗚呼
呼已矣

祭北山元長老文

元豐三年九月四日祭于北山長老與海大
師之靈自我壯強與公周旋今皆老矣公棄
而先逝孰去遠十方現前饌陳告違世禮則
然尚饗

祭呂望之母郡太文

嗚呼聖矣夫人善持門閭皓若玉雪一其終

初介考維婦允仁維姑實生才可我所歎譽
秉義率法困而不渝夫人之教者不可誣歸
殞窀穸無悔無愉維子之故具此俎室

祭秦國夫人文

為高若訥作

於惟夫人順慎和恭上之岐岐實護于中開
號大邦福祿之隆康寧壽考而以榮紉喪卒
貞一肇此明發上只舊德情之鬱結只我在
仁於心心怛奠云將之具此薄物

王文公文集卷第八十二

王夫人文惠恭帝八十二

其於心也則莫之能之具也

其筆也則莫之能之具也

其於心也則莫之能之具也

其於心也則莫之能之具也

祭文

其於心也則莫之能之具也

其於心也則莫之能之具也

其於心也則莫之能之具也



王方

文集卷八十三

神碑

品司空兼侍中文元賈魏公

檢校太尉贈侍中正惠馬公

贈禮部尚書安惠周公神道

贈司空兼侍文元賈魏

諱其字子明姓西氏自秘省

師中書令尚書令晉四

左贊善大夫贈太師中

感諱其之孫晉中書令

諱

尚

詔修



太師中書令諱某之曾孫其先南皮中人

復令葬開封而為其縣人者自公始

公少則莊重謹密治經章解句廷老師宿學

譽歎以為賢已天禧元年獻文章召試賜同

進士出身除常州晉陵縣主簿國子監說書

又以江州德化縣令兼潁川郡王泮讀當是

緝宣公領國子一員聽語待以公曰舉公

學問當在人主左右大臣有以親嫌者故久

弗用公知常州會興開封東明四縣

廣濟示濟又召置且國子監說書見祐二年積

官至尚書都官員外郎乃始置崇政殿說書
而以公爲之公於傳注訓詁不爲曲釋至先
王治心守身經理天下之意指物譬事析毫
解縷言則感心自 仁宗即位大臣或操法
令斷天下事稽古不至秦漢以上以儒術爲
疏闊然上常獨意鄉堯舜三代得公以經關
說則慨然皆以爲善而公由此顯矣於是上
所質問多道德之要公請悉記錄歲終歸太
史詔以章獻太后故爲彭城郡王諱其名公
言母之諱禮不得以出於宮太平興國寺災

公以易春秋進戒因言近歲屢災觀寺天意
蓋有所在今此獨可勿繕治以稱陛下畏天
威愛人力之意西域僧以佛骨銅像來獻公
請加賜遣還無以所獻示外上皆從之以直
集賢院天章閣侍講史館修撰判尚書禮部
判太府寺天章閣侍講自公始故事親祠郊
廟燕遊慢戲之物皆在儀衛公奏除之未幾
遂以知制誥龍圖閣直學士權知通進銀臺
司兼門下封駁事權判吏部流內銓權知開
封府又以右諫議大夫權御史中丞兼判國

子監而侍講如初公之爲銓也河北蟲旱以
公安撫公舉能詘姦於利害多所興除異時
縣令奉錢滿萬二千乃舉令公以爲法如此
則小縣終不得善治乃請槩舉令而與其奉
如大縣其在御史劉平爲趙元昊所得邊吏
以降敵告議收其族公言漢殺李陵母妻子
陵不歸而漢悔 真宗撫王繼忠家後賴其
力且平事固未可知乃不果收侍講林瑀者
言天子即位當步其日占所得卦以知吉凶
公奏瑀所言不經不可用上即爲公罷瑀又

奏劾駙馬都尉柴恭僖公奪其州人以為宜
初元昊反公言兵事起財不贍宜及今度經
費罷減諸不急題詔與三司合議一歲所省
率緡錢百萬慶曆二年契丹來求地請婚公
主其使責以信義告之利害客絀服不能發
口執政議使契丹攻元昊公曰契丹許我而
有功則必驕以弱我而責報無窮已不且以
我市於元昊矣且唐中極衰時聽吐蕃擊朱
泚陸贄尚以為不可後乃知吐蕃陰與泚合
而陽言助國今獨安知契丹許不出此乃言

所以待夷狄者凡六事上皆行其策三年遂以本官叅知政事四年以尚書工部侍郎檢校太傅爲樞密使五年以集賢殿大學士同中書門下平章事兼樞密使居兩月拜昭文大學士

監修國史議祔章惠太后太廟公言其非禮及祔獻懿二后密敕遷文武位一等賜外內諸軍特支優給公又獨奏罷之既而敕兩府公又不從乃已元昊歸石元孫議賜死公爭言自古將帥被執歸多不死元孫以不死七年上以旱避正殿貶食自責公

因稽首遜位章六七入乃除武勝軍節度使
檢校太傅同中書門下平章事判大名府兼
北京留守河北安撫使妖人王則謀舉大名
府反河南北使其黨挾書妄言冀得近公公
疑為姦考問具服則惶急不及會獨嬰貝州
以反公即使部將王信孟元郝質馳兵操攻
具往且請自出搏賊不許終賊所以擒滅功
居多移鎮山南東道檢校太師賜號安國公
公因請寬諸吏民為則所脅者而捕河南北
妖人治殺之無所漏河決商胡方暑公暴隄

上躬親指畫出倉廩與被水百姓舍其流弃
接以醫藥所活九十餘萬口契丹誘亡卒号
為南軍以戰夏人而邊法卒亡自歸者死公
變其法有歸者故擢超其任於是歸者衆因
以知契丹國事契丹亦因以拒亡卒黜南軍
不用邊人以地外質公請重禁絕主不時贖
則聽人得贖而有之地盡歸邊以不爭皇祐
元年判鄭州從公求也至見留為祥源觀使
既而以尚書右僕射觀文殿大學士判尚書
都省朝會班宰相視其儀物歲中又求任外

除山南東道節度使右僕射檢校太師兼侍
中判鄭州固辭僕射侍中乃改同中書門下
平章事又欲遷公四子各一官亦以公辭而
止二年母燕國太夫人薨命以故官不起賜
書寵慰從之公事燕國以孝聞上嘗賜銀飾
肩輿士大夫以爲榮及薨自鄭歸葬扶舁蒼
然肩足皆胝行路贍望悲哀歎息四年除故
官侍中居頃之出治許州將行矣 仁宗問
易之乾卦公旣講解又作書以獻以元龍爲
戒手詔褒荅以公所獻藏太史五年又涖大

名安撫河北中書議塞商胡以公異論故使建言者專其事公猶爭不已河果不可塞建言者得罪而澶魏信棣德博多水死公乃請使撫巡振救人用歸息嘉祐元年進封許國公又兼侍中方避未聽而以樞密使召卒罷侍中而以中書門下平章事為樞密使三年以鎮安軍節度使右僕射檢校太師兼侍中充景靈宮使出許州七年以保平軍節陝州大都督府長史移大名兼安撫公凡三至魏及許鄭皆以寬惠為治人安樂之它將相賜公

使錢多使牟利公度所賜爲用故在所尤不
擾今 皇帝即位改節度鳳翔加左僕射鳳
翔尹進封魏國公治平元年求還使侍中守
許州凡六七終不許二年乃授許州入見又
辭所辭不許使使撫諭須秋乃發六月告疾
中人將太醫問視相屬又力求解將相乃以
左僕射觀文殿大學士判尚書都省七月戊
寅薨于第上親臨哭發涕爲不視朝二日賜
龍腦水銀以斂制服出司賓祭弔別賜黃金
給葬贈司空兼侍中謚曰文元以九月甲申

葬開封汴陽里晉公之墓兆公年六十八散
官開府儀同三司勳上柱國號推誠保德崇
仁守正忠亮佐運翊戴功臣食邑萬五千戶
實封五千六百戶公所著書有羣經音辨十
卷通紀八十卷本朝時令十二卷又奏議文
集合二十卷元配王氏尚書兵部郎中集賢
殿修撰軫之女追封莒國夫人繼配陳氏武
信軍節度使康肅公堯咨之女封魏國夫人
六男子章太常博士集賢校理早卒圭尚書
比部員外郎田尚書駕部員外郎青尚書司

門員外郎齊大理寺丞炎未仕三女子國子
博士程嗣弼大理寺丞宋惠國太常博士龐
元英公婚也其後天子以炎守將作監丞又
官公內外族親凡若干賈氏自誼及耽傳王
相帝皆以儒學至公又以經術取將相出入
文武有謀有功當中國治安四夷集附寵祿
光大始終哀榮君臣相遭於是為盛銘曰
於皇仁宗時宋之隆莫此中國四夷來同孰
夾孰承有宰魏公帝曰詢爾羣公卿士朕欲
考古以求亂治有博六藝使熙朕志魏公乃

來錫帝之求筵于殿中登闡治幽乃尹開封
治民不絀乃丞御史督制庶尤膏澤在下熏
烝在上參國政事遂都將相帝巡大塗公帝
之車帝御廣宮之屏之墉文條武鬯具獻虜
功終徂在天公則隨邁廷喪元老隱加問賚
有銘太史有謚太常次詩不誣斲石墓傍

檢校太尉贈侍中正惠馬公神道碑

推忠保順同德翊戴功臣彰德軍節度觀察
留後特進檢校太尉使持節相州刺史兼御
史大夫上柱國扶風郡開國公食邑六千六

百戶食實封二千二百戶謚曰正惠馬公以
天禧三年十月戊戌葬開封祥符縣某鄉某
里至嘉祐七年公孫慶崇始來請銘以作公
碑序曰馬氏故扶風人至公高祖而徙處雲
中贈太師諱某者於公為曾祖贈太師中書
令諱某者於公為祖龍捷左廂都指揮使江
州防禦使贈太師中書令尚書令蔡公諱某
者於公為父蔡公從太祖定天下力戰有功
當是時雲中已為契丹所得故馬氏又徙處
浚儀今開封府祥符也公諱某字子元蔡公

之終也年七歲太祖召見禁中有司言例當
補殿直詔特授西頭供奉官而賜以名開寶
五年年十八監彭州兵馬以嚴飭見憚如老
將太平興國三年領兵戍秦州清水姦人李
飛雄乘驛稱詔捕公及秦隴巡檢劉文裕等
將繫之秦州因盜庫兵以反公辨其詐與文
裕執飛雄治殺之五年監潭州兵馬改東頭
供奉官雍熙二年又監博州兵馬劉延讓敗
於君子驛而契丹歸矣公方料丁壯集芻糧
繕城治械如寇至吏民初不悅其生事也已

而契丹果至度不可攻乃去四年改西京作坊副使將屯于冀州端拱元年移知定遠軍時議發河南十三州之民轉饟河北公告轉運使樊知古此軍聚兵少而積粟多斂其腐尚可得十七知古用此得粟五十萬斛以罷河南之役事聞朝廷太宗嘉之二年深州新蹂於契丹城郭廬舍多壞而流民衆乃移公知深州公至數月則壞者完流者復舉州忘其寇戎之故而以公爲能撫我會保州不治移往代之淳化二年又移知慶州羗萬人以

怨程德元來寇公誘其渠帥諭以威信即皆
引去四年遷西京作坊使知梓州五年李順
爲亂於蜀之西川以公往討又以爲先鋒平
劍州召還至三泉而復以公與王繼恩討賊
繼恩怒公抗直使守彭州盡收其軍而與之
羸卒三百賊率其衆至號十萬公力戰一日
亡其卒太半乃夜獨出招救兵復入賊終不
能得城而以敗去除成都府兵馬鈐轄遷洛
苑使五年除蜀漢九州都巡檢使已而又兼
成都府兵馬鈐轄 真宗即位改內苑使蜀

卒劉旰聚黨數千人爲亂所攻數州至輒取之公以卒三百追至蜀州與戰旰走邛州而招安使上官正召公歸成都計事公爲正畫曰賊破邛州必乘勝劫掠度江薄我旣息而戰我軍雖倍未易敵也不如迎其弊急擊破之必矣遂行次方井與正合殺旰等無噍類真宗賜書獎諭賞以錦袍金帶咸平元年加登州刺史知秦州諸羗質子有三十年不釋者公悉歸之諸羗德公訖公去無一人犯塞小泉銀坑久不發掌吏盡產以償歲課而責

之不巳公奏得釋而歸其產四年就除西上
閣門使知成都府兼本州兵馬鈐轄有告龍
騎士謀為變者所引以千數公捕殺其首七
人而置其餘無所問自乾德後歲漕蜀物以
富人為送吏多坐漂失籍其家公奏擇三班
使臣及三司軍將代之而課其漕事為賞罰
至今便之六年移鄜延路駐泊兵馬都揔管
兼知延州蜀人於公去皆環以泣公至延州
羗方以兵覩邊會上元開門張燈視以無為
而羗卒不能為寇又移知鎮州兼本州兵馬

文集八十三
都揔管景德元年契丹入邊民入保城公與
之約盜一錢者死有盜錢二百者公即殺之
於是自澶以北城郭皆晝閉詔使過公輒留
之而募人間行送詔皆得其報以聞又以便
宜使所至受諸漕輓給邊之物故契丹欲虜
掠無所得車駕次澶州大將王超提卒數十
萬逗留不赴公屢趣之不為動移書譙讓乃
始出師猶辭以中渡無橋至則公先已度材
一夕而橋就上聞手詔褒之且知公果可以
屬大事也二年移知定州又除東上閤門使

樞密院都承旨三年遂以檢校太保簽書樞
密院事祥符元年東封泰山以爲行宮都總
管自此行幸必以公爲都總管而皆許之專
殺公部分明約束審出入肅然而未嘗輒戮
一人於是邊將言契丹近塞大臣議皆請發
兵以備公獨議使邊將移書問狀從之契丹
解去遷檢校太傅四年加宣徽北院使五年
除樞密副使當是時契丹已盟中國無爲大
臣方言符瑞而公每不然之獨常從容
言天下雖安不可忘戰去兵之意及它爭議
極

甚衆 真宗多以公言為是七年除潁州防禦使知潞州州之稅賦常移以輸邊公為論其害自是所輸不過鄰州而已天禧元年移知大名府兼駐泊兵馬都總管使中貴人勞問賜白金二千兩居頃之遂以為宣徽南院使知樞密院事檢校太尉有足疾時詔內朝別為一班免其蹈舞二年疾病賜告求去位真宗不許而數使中貴人勞問又幸其第賜白金三千兩已而度公實病不可強以事乃罷以為彰德軍節度觀察留後而公固求外

鎮終不許居久之稍間入謁 真宗輒使閣
門祇候二人伺公至即扶以入因掖其拜起
數屏左右問事常聽用三年又求外鎮乃以
公知貝州兼本州兵馬都總管將行矣召見
又將付以政公固辭謝久之乃已而更以公
爲本鎮至五月公疾作詔使公子洵美將太
醫往視而魏潞二鎮之人亦皆奔走來問爲
公請禱已而公疾革 真宗又使公弟之子
成美馳傳召公歸京師而公以八月壬寅不
起矣享年六十五 真宗爲之震悼罷朝詔

贈侍中錄其子孫賻賜皆加等公前夫人丁氏某郡君後夫人沈氏某郡夫人子男二人洵美終西京作坊使英州刺史之美終內殿承制閣門祗候孫十六人其十四人皆已卒而慶宗今爲右班殿直慶崇今爲文思使知恩州公少忼慨以武力智謀自喜又能好書賓友儒者所與善必一時豪傑有集二十卷其文長於議論自始仕以至登用遇事蹇蹇未嘗有所顧憚王冀公丁晉公用事每廷議得其不直輒面詆之真宗初或甚忤然終

以此知公而天下云今稱其正直銘曰
在浚西南誰封誰樹有宋正惠馬公之墓公
當太宗真宗之時暨暨諤諤謀行計施以
羸擊手強以少捕衆以賤抗貴維公之勇雖貴
雖衆雖強必克維公之敏亦維公直帝曰直
哉汝予良弼見國而已不知家室內朝十年
典掌機密暨子一心綱紀庶物元功宗謀莫
汝敢匹公曰孤臣敢曠于榮讒說不用是維
帝明士或困窮莫知其有既榮以位正或見
醜公於可願兩得其尤不訖大耄天爲不謀

德歎於年孰去耆老有賚後世公爲壽考刻
跌篆首作此銘詩陳之隧道永矣其詒

贈禮部尚書安惠周公神道碑

公諱某字某姓周氏爲人倣儻有大節敏於
文學達於政事 真宗初即位以進士甲科
除將作監丞通判齊州即有能名召還爲著
作郎直史館提點開封府諸縣鎮公事歷三
司戶部度支判官又皆有能名遂以右正言
知制誥判吏部流內銓數進見奏事 真宗
以爲材其後置登聞鼓院糾察在京刑獄及

考進士以糊名謄錄之法 真宗皆自選主
者而輒以屬公居糺察未幾遂以樞密直學
士知開封府聽斷明審無留事 真宗滋以
為材至嘗幸其府問勞賦詩樂飲然後去以
公更外事未久故不即大用而以公知河中
府又以知永興移天雄軍所至輒有聲績數
賜詔書獎諭於是 真宗知公果可付以政
即召還除給事中同知樞密院事既而又以
為尚書禮部侍郎樞密副使 真宗得疾幾
不寤丁晉公用事逐去寇萊公而以公為黨

亦逐去之以尚書戶部侍郎知青州既而又
已為太常少卿知光州 仁宗即位稍遷秘
書監知杭楊二州晉公得罪去還公禮部侍
郎留守南京召見之將復用而公病矣乃請
知潁州自潁徙陳自陳徙汝至汝若干年以
某年某月某甲子卒春秋五十九訃聞天子
為震悼贈禮部尚書賻賜錄其子孫加等謚
曰安惠初公奮白衣數年遂知制誥特為
真宗所禮禁中事大臣所不得聞者往往為
公道之公亦慷慨為上言事無所撓而其言

秘世莫得盡聞東封還公卿大夫皆獻文章
頌功德公獨上書進戒及在樞密進止侃侃不
以丁晉公方盛爲之訕節故爲所逐公好收
挽後進士得一善汲汲如世之夸者爲已進
取未嘗問家人生產好讀書善爲文有文集
二十卷獨奏事諸草則公旣焚之矣無在者
愛其弟越甚篤與越皆以能書爲世所稱每
書輒爲人取去積階至金紫光祿大夫勲至
上在爵至汝南郡開國公食邑至四千一百
戶食實封至九百戶嘗爲東京留守判官東

封考制度副使亦皆真宗所自選也周氏
世爲淄州鄒平人公曾祖考諱某祖考諱某
皆儒者以學行知名山東考諱某仕歷御史
終尚書都官真外郎及公貴贈曾祖考某官
祖考某官考某官公夫人王氏北海郡夫人
先公一年卒於公之卒也公子延荷爲大理
寺丞延讓爲太常寺太祝延壽爲東頭供奉
官閣門祗候延雋爲大理評事以某年某月
某甲子葬公鄭州新縣平康鄉之北原而以
玉氏祔其後若干年公子延雋爲尚書都官

郎中累贈公至某官始追序公世次闕闕行
治來請曰先人名位功德嘗顯矣而墓碑無
刻諸孤獨延雋爲後死微夫子許我則無以
詒永久嗟乎公之事遠矣蓋雖公子有所不
及知故所次止於如此然觀公所以進而公
之材可見視公所以逐而公之行可知懍懍
乎一世之名臣矣所次如此不爲略也銘曰
群獻俟俟御于帝所出入百年將相文武有
如周公左右 真宗自初筮仕以至謀國晦
顯險夷考終一德公去州郡無民不思公來朝

廷天子所知發論造功每成無隳誰私黨讎
用國威福聞上不豫乃讒乃逐既投有罪而
以公歸退施一州遂隕于腓美矣邦士公之
季子銘詩墓門戴以龜趾

王文公文集卷第八十三

王文公文集卷第八十四

神道碑

侍衛親軍步軍副都指揮使勤威馮魯

公神道碑

司農卿分司西京陳公神道碑

侍衛親軍步軍副都指揮使勤威馮

魯公神道碑

馮氏有家於滑州之白馬者莫知其所由徙
至魯公而嘗以公開國於始平日其本出於
漢杜陵楚相唐之後也公諱守信字中孚自

爲兒童狀貌嶷然慷慨有大意人固已竒之
矣旣冠從其鄉人受學以三禮舉於鄉會太
平興國初取兵民間公出應選有司以公儒
者欲免之公曰吾以子弟免而父兄任其勞
此儒者所不爲遂行以才武給宿衛 太宗
征河東公奮身冒兵數取俘馘以獻于行在
太宗壯而勞之以功數遷至弓箭直副指揮
使 真宗兩駕河北皆命公帥其所領先驅
以禦契丹而所斬虜最諸將遷天武軍都指
揮使封州刺史充御前忠佐馬步軍都軍頭

公雖在軍旅數以孝經論語為人講說人尚以儒者目之至是真宗召問出孝經使講天子一章因言自天子至於士不可以無學學不必博孝經論語皆聖人之誨學者言行之要臣愚不足以盡識然所以事陛下不敢一日而忘此真宗嗟嘆者久之由封州數遷捧日天武四廂都指揮使英州防禦使知瀛州兼高陽關都部署由瀛州召還領步軍司公事當此時河決滑州天子以為憂問誰可使者公自言少長河上能知河利害詔以公為

侍衛親軍步軍副都指揮使容州觀察使知滑州兼脩河都部署河怒動埽埽且陷公坐其上自若也遂号其部人以一日塞之天子賜手詔獎諭詔還領步軍如初已而遷威塞軍節度使是歲天禧五年也公年六十六以八月二日薨于位天子悼慟為之罷朝三日贈太尉賜錢三百萬勅宣慶使蔣州團練使韓守英禮部郎中直集賢院石中立給護其喪事遂以其年九月二十四日葬開封之祥符縣黃溝鄉大里之原公曾祖諱倫祖諱筠

皆不仕考諱蘊贈官至左屯衛大將軍先夫
人劉氏玉城縣君後夫人張氏清河郡夫人
子男十三人於是文懿左侍禁文吉文拙文
德文慶文顯文質文貴文銳並右班殿直文
燦文俊並右侍禁文郁文雅皆蚤卒公孝謹
忠篤遇人以恩祖母夫人疾病公不釋帶以
侍輒數月常患世醫不足賴以為養力學方
藥遂通其術公弟常欲上其子為公子以取
高蔭公對之慨然曰吾自行伍蒙主上拔擢
至此予欲弃軀以報久矣顧未有所奈何斯

之是歲并公子無所蔭曰以明吾心於弟非
有愛也韋城董方廉直爲公所友其卒有二
女無以嫁公爲選士辦裝嫁之若已子公將
兵治民寬簡有法故人人便愛之而無敢犯
所居有迹賢士大夫多稱之者公葬之三十
二年而以其子故累贈至中書令兼尚書令
追封魯國公又二年始請謚於天子賜之謚
曰勤威又五年文顯爲西京左藏庫副使提
點開封府界諸縣鎮公事始作碑以表公墓
而以銘來請予問誄於太常問書於太史問

諸故老以考公子之所告而得公之所爲如此於是爲銘曰

允顯真宗俊藝在工相協于武有來馮公馮公額額奮節金革有聲中邦外動夷狄自公在野手不去經率其所學以撫戎兵公之所撫貔貅豹虎指麾進退妥若兒女武室以薺文罷於柔維時馮公兩取其優孰施其文有壤千里孰致其武宿衛天子帝咨馮公爾往視河河決已塞滑人來歌帝聞而嘉勞以手敕公拜稽首匪臣之力帝曰來爾子釐爾勤

授之麾節留掌我軍方朝告薨有詔罷視弔
贈賻葬哀榮終始追拜為令尚書中書賜爵
國公肱以魯墟士生顯榮沒則多已維時馮
公至今受祉有周方虎咸有褒詩至漢充國
雄為之辭誰能詩公傳示無止刻碑墓門公
實有子

司農卿分司南京陳公神道碑

司農卿分司南京陳公既以嘉祐七年九月
某甲子葬開封府之祥符縣西韓村皇考魏
公之塋至十一月公子世範等乃來求銘以

作公碑蓋公昆弟皆從先人游而某又嘗得
識公父子故爲序其實而係以銘序曰公諱
某字良器以贈太師尚書令兼中書令衛國
公諱嵩者爲曾祖以贈太師尚書令兼中書
令燕國公諱光嗣者爲祖而尚書左丞集賢
院學士諱恕之子也左丞當 真宗時參知

政事後以其子歧公之貴而贈至太師尚書
令兼中書令魏國公公歧公之弟也而於魏
公爲少子年六十八以嘉祐七年六月得疾
分司而以乙巳弃世于陳州階至朝散大夫

勲至上柱國爵至潁川郡開國子食邑至六
百戶賜紫金魚袋官終於司農卿而所更祕
書省正字太常寺太祝大理評事光祿大理
寺丞太子中舍殿中丞國子博士尚書虞部
比部駕部貳外郎郎中司農光祿少卿少府
監任終於知陳州而所歷者監楚州衡州酒
稅知衢州江山縣知南恩州通判江揚洪廬
潭州知衡州監江寧府糧料院知興化軍知
均州判登聞鼓院知曹州判殿中省知郢州
鄭州其通判揚州廬州皆有所避不赴知郢

州則未赴而徙凡仕四十三年蓋其行事可
記者衆矣而公子所能記者在江州人大饑
且疫公爲具饘粥醫藥不足則取廬山諸佛
寺餘財以續之所活以萬數有盜刈人之木
而傷其主者當死公曰古之荒政所以恤人
者盡矣然尚緩刑况今哉即奏貸其死洪州
大水城之不滅者十五水得城竇以入舉城
惶擾不知所爲公豫具薪藁不終日以塞州
人德之曰無陳公吾屬如何矣衡州之南山
廣袤百餘里與夷接境大木蒙密中國人逋

逃其中冒稱夷人數出寇常寧諸邑其酋有
挾左道者人傳以爲能致風雨官軍尤憚之
公誘以恩信則率衆數百來自占巴而與其
甥亡去又將爲寇州人皆恐公設方略以一
日捕得殺之天子賜詔書獎諭公因圖上山
川形勢攻取之策以爲賊今不除黨附日衆
夷人謂中國無能爲必出助之可須農隙發
千人使操斧斤隨以強弩斬木除道則賊失
所持不攻而自窮又出其材可以佐經用奏
未報轉運使害其事劾公擅擊斷不聽用佐

吏又嘗稱病不自祭炎帝公坐此罷州人乞
留不得而賊果侵尋不制朝廷出使發兵擊
之數年然後定興化多進士就鄉舉者常八
九百人而學舍弊小無文籍公至則新而大
之爲之購書而國子之所有者皆具均州治
漢水上舟子數溺商旅取貨財而以險爲解
公捕案寘法因取近灘數家除其徭使表水
險涉者因此得不死曹州多盜亡命之尤凶
強者七十餘人公集重購得之幾盡又修律
令五家爲保之法故盜徃徃逃去之它境蓋

公施於政者能如此公嘗爲書十二篇上之
曰國政要事其說多聽用而中書欲遷職事
以獎之公乃自言外祖王氏葬揚州無主後
願除淮南所當得之一官以往視其丘墓而
已歧公之葬也天子自曹州召公歸襄事特
詔許公升殿公謝歧公遭遇始終恩禮之厚
因乞御篆歧公之碑首上爲動容賜其首曰
褒忠之碑而公終無一言自及旣分司無田
園僦官屋以居自爲棺斂葬埋之制趣於儉
而已少長好書以至於老於篆籀尤善有集

二十卷其文能世其家者也夫人馮氏江南
李氏時宰相延己之孫子男五人世範前商
州洛南縣尉世安前廣州新會縣令世脩大
理寺丞世永將作監主簿世弈太常寺太祝
女四人長適大理評事柳安期次適右班殿
直王允懿次尚幼也陳氏漢太丘長諱寔之
後故其望在潁川而世居洪州之南昌縣當
唐末五代之亂無仕者魏公布衣起閭巷明
敏諒直稱天下仍父子執國柄而至岐公尤
盛公於仕嘗齟齬然尚至九卿以榮祿自終

蓋太丘之仁德阨於一時而紀謚群素貴顯者數世豈魏公之先遭世不治亦有潛德晦行如太丘者乎不然何其後世之興如此是故不可以無銘也銘曰虞賓夏商其後爲陳屢絕復封以承聖人至漢太丘奔時就德詔祿魏晉子孫世食既又困窮乃生魏公魏公之出魁名碩實有公有卿饋祀其室公則盛矣天子所思繩繩維卿亦顯于時治官牧民入出具宜明公之虛太丘之里兩有州國紹榮本始歸葬浚郊皇考在前峙此銘詩爲告

新刊

王文公文集卷第八十四